

庶物類纂

蔬屬
自三十九至四十

容

| | |
|-------|-------|
| 太政官文庫 | |
| 和書門 | 特別類 |
| 一三六二號 | 一三五二號 |
| 函 | 函 |
| 架 | 架 |
| 四六五册 | 四六五册 |

| | |
|------|-----------|
| 內閣文庫 | |
| 番號 | 和 32362 |
| 冊數 | 465 (257) |
| 函號 | 特 54 1 |

九十内

共七十三



A 1 2 3 4 5 6 M 8 9 10 11 12 13 14 15 B 17 18 19



Kodak Gray Scale



© Kodak, 2007 TM: Kodak



Vertical text on the left edge of the left page, likely a page number or title.



庶物類纂蔬屬卷之三十九目次

菠薐

石菠薐

庶物類纂 卷三十九

蔬屬目次

菠薐

一名菠薐菜本州細目一名波斯草同上一名赤根菜

同上一名雨花菜清異錄一名鸚鵡菜群芳譜一名

鼠根菜溫州府志一名紅根菜諸羅縣志一名菠薐懷寧

縣志一名甜菜太平府志

倍名法燕獵母煞燕山城州

無功類纂卷之二十一

蔬屬

菠薐

一

菠薐

國初建達國獻佛土菜一莖五葉花赤中心正黃而
蕊紫色泥婆羅國獻菠薐類紅藍實似蒺藜火熟之

能益食味唐段公路北戶錄

菜之菠薐本西國中有僧將其子來如苜蓿蒲陶因

張騫而至也絢曰豈非頗薐國將來而語訛為菠薐

耶唐韋絢劉賓客嘉話錄

唐書曰太宗時尼婆羅獻波薐菜葉類紅藍實如蒺

藜大熟之能益食味太平御覽

菠薐過月朔乃生今月初一二間種於二十七八間種者皆過來月初一乃生驗之信然蓋菠薐國菜

本種藥蔬

鍾謨嗜菠薐菜文其名曰雨花菜又以萹蒿菜服菠

薐為三無比宋陶穀清異錄

格物總論菠薐外國種莖微紫葉圓而長綠色性冷

食之利五藏通腸胃與蛆魚同食佳合璧事類

菠薐冷微毒利五藏通腸胃熱解酒毒服丹石人食

之佳北人食肉麪即平南人食魚鼈水米即冷不可

多食冷大小腸久食令人脚弱不能行發腰痛不與

蛆魚同食發霍亂吐瀉劉禹錫嘉話錄云菠薐本西

菹菹因張騫而至也本是頗陵國將來語訛爾時多不知也○嘉祐補註本草

波稜按唐會要云太宗時尼波維國獻波稜菜類紅

藍實如蒺藜火熟之能益食味即此也方士隱名為

波斯草云明李東璧本草綱目

波稜八月九月種者可備冬食正月二月種者可備

春蔬其莖柔脆中空其葉綠膩柔厚直出一尖旁出

兩尖似鼓子花葉之狀而長大其根長數寸大如桔

梗而色赤味更甘美四月起臺尺許有雄雌就莖開
碎紅花叢簇不顯雌者結實有刺狀如蒺藜子種時
須研開易浸脹必過月朔乃生亦一異也上同

按張從正儒門事親云凡人久病大便澀滯不通及
痔漏之人宜常食菠薐菜之類滑以養竅自然通
利上同

菠薐菜菠薐一名赤根又名波斯草劉禹錫云菠薐本
西國中種自頗陵
國將其子來今呼其名語頗訛耳○博聞錄菠薐菜過
月朔乃生須二十七
八間種之月初即生種時須以
其子研開易浸張○
明徐光啓農政全書

農桑輯要云菠薐作畦下種如蘿蔔法春正月二月
皆可種逐旋食用秋社後二十日種于畦下以乾馬
糞培之以備霜雪十月內以水沃之以備冬食上同

農桑通訣曰菠薐七八月間以水浸子殼軟撈出控
乾就地以灰拌散肥地澆以糞水芽出惟用水澆待
長仍用糞水澆之則盛上同

春月出臺至春暮莖葉老時用沸湯掠過曬乾以備
園枯時食用甚佳實四時可用之菜也上同
菠菜一名菠薐一名波斯草一名赤根菜一名鸚鵡



菜出西域頗陵國今訛為菠薐蓋頗陵之轉聲也莖
柔脆中空葉綠膩柔厚直出一尖傍出兩尖似鼓子
花葉之狀而稍長大根長數寸大如桔梗色赤味甘
美四月起臺尺許開碎白花有雌雄雌者結實有刺
狀如蒺藜葉與根味甘冷滑無毒利五臟通腸胃熱
開胸膈下氣調中止渴潤燥解酒毒服丹石人最宜
麻油炒食甚美北人以為常食春月出臺嫩而且美
春暮臺漸老沸湯晾過曬乾備用甚佳可久食誠四
時可用之菜也南人食魚稻多食則冷大小腸忌與

鮠魚同食發霍亂明王蓋臣
羣芳譜

種植正二月內將子水浸二三日候脹撈出控乾盆
覆地上俟芽出擇肥鬆地作畦于每月末旬下種勤
澆灌可逐旋食用秋社後二十日種者至將霜時馬
糞培之以避霜雪十月內沃以水備冬蔬此菜必過
月朔乃生即晦日下種與十餘日前種者同出亦一
異也春種多蟲不如秋種者佳同上
太宗時尼波羅國獻菠薐菜類紅藍實如蒺藜火熟
之能益食味唐會要
同上

頗陵西國菜名僧攜其子入中國訛為波稜。波稜初種時過月朔乃生治地極細用糞肥然後下子仍以馬糞蓋之既長不可用糞澆。十月食霜菜令人面無光。明慎懋官華夷花木考

菠菜北名赤根菜之凡品然可與豆腐並烹故園中不廢若茗蓬菜俗名甜菜者菜斯為下矣。明王敬美學圃雜疏波稜外國種莖微紫葉圓而長綠色本草曰性冷微毒利五臟通腸胃解酒毒北人多食肉麪食此則平南人多食魚鼈水米食此則冷不可多食冷大小腸

發腰痛令人腳弱不能行服丹石人食之佳劉禹錫佳話錄云此菜來自西域頗稜國誤呼波稜藝苑雌黃亦云灌園史曰鍾謨所嗜名雨花菜四月收子八月下種喜肥細土栽宜高阜處和腐糞尤香。吳郡周文華致

書富全赤根菜波稜菜也。函史物性志云食之傷冷。明陳正學灌園識草木
劉禹錫嘉話波稜本頗陵語訛耳種自頗陵國來土人呼為菠菜唐書云葉似紅葉實如蒺藜。明馮李陳懋仁庶物

異名

波菘本西國中有自彼將其子來如首菘葡萄因張
騫而至也冷微毒利五藏通腸胃熱解酒毒久食令
人脚弱發腰痛與蛆魚同食發霍亂吐瀉

明王思義
三才圖會

集續

南人呼波菘北人呼赤根菘南人呼菘菘北人呼苻
乃人菘音誤也易夬有菘陸卦詞董遇謂人菘北人
誤以菘為苻古稱黎即灰菘老可為杖蓋藜杖

闕名
詢菘

錄○續
說郛

赤根菘葉有稜光澤出西域頗陵國頗訛為波故南
呼波菘北人多食肉麩食之則平南人多食魚鼈水

稻食之傷冷

明鄧元
錫函史

種波菘法○初種時過月朔乃生假如此月初二三

日間種與二十六七日間種者皆過來月初一日方

生驗之信然菘菘同胡荽必用月晦日晚下種

居家
必用

種波菘又名赤根菘用水拌子浸二三日看殼軟撈

出控乾就地以盆盒蓋候生芽宜肥地虛土內種之

則茂農桑撮要○明
盧翰月令通攷

蔬屬

波菘

菠菜出自西域頗稜國誤呼菠薐根赤色子如蒺藜之狀四月收子八月種肥地此菜性與他物不同種後必過月朔乃生假如今月初二三種與廿六七日種者皆過來月初一方出驗之信然清周玉鳧農圃六書

菠菜甘寒利五臟解熱毒酒毒出自西域頗稜國誤呼菠薐根赤色子如蒺藜之狀四月收子八月種肥地此菜性與他物不同種後必過月朔乃生假如今月初二三種與廿六七日種者皆過來月初一方出驗之信然清鍾

山石巖逸叟增定致富奇書

菠薐從頗陵國來一畦中開花者不結實結實者不開花種時須研開其子浸脹過月朔乃生北人呼葢根菜謂其赤根也清皖桐方氏浮山此藏軒物理小識

凡蔬菜皆能疏利腸胃而菠薐冷滑尤甚多食令人脚弱發腰痛動冷氣與鮭魚同食發霍亂取汁煉霜制砒永伏雌黃硫黃毒清張路玉本經逢原

菠薐本作頗稜劉賓客嘉話曰菠薐菜自西方僧將來韋絢以為頗稜國訛為波其根赤又名赤根菜清方

以智通雅

菠薐菜又作波稜劉禹錫嘉言錄本出西域頗稜國訛頗為波閩中記以葉如波紋有稜以義求之歟按波稜生北方者為竹菠薐莖長而閩中者為石菠薐莖短而甘閩書

機謹按汀州府誌同無菜字

菠薐一名波菜肇慶府志

波稜葉尖理細如波紋故名劉禹錫嘉話云出頗稜國有僧攜子而至俗訛為波稜按唐西域僧貞觀十一年沉婆羅遣使入獻波稜菜則非頗稜所訛可知

矣萬曆杭州府志

波菜出波稜國解諸毒雷州府志

菠稜即鼠根菜溫州府志

赤根菜莖細長葉如箭鏃根赤故名河間府志

菠稜出自西域波稜國今訛為菠稜景州府志

波稜北戶錄曰婆羅國獻菠稜菜類紅藍實似蒺藜火熟之能益食味劉禹錫謂出頗稜國訛頗為波學圃

雜疏一名赤根菜漳州府志

機謹按海澄縣志無一字

菠薐土人呼為菠菜重修鎮江府志

菠薐菜此菜出西域頗稜國頗訛為菠俗呼赤根菜

泉州府志

機謹按南安縣志同

菠薐本出頗稜國俗訛頗為菠福州府志

菠薐根赤味甘葉如箭鏃連根煮食之則香美盧志

引藝苑雌黃云蔬品有頗稜者昔人自頗稜國攜其

子來因名之今俗乃從草曰菠薐失其美矣○箕按

嘉話錄菠薐本是頗陵國將來語訛耳時多不知也

一說相合但稜二字少不同太倉州志

菠薐原出頗陵國今通謂赤根菜也涿州志

波稜北人呼赤根菜福安縣志

菠薐菜種出頗陵國今訛為菠薐即北方赤根菜吳縣志

菠菜北人曰赤根重修靖江縣志

菠菜一名波稜菜一名赤根菜烏程縣志

菠薐菜赤根味甘嘉話錄云出頗陵國今訛為菠薐

藝苑雌黃亦云嘉定縣志

菠菜根赤葉如箭鏃味極甘美相傳種出波稜國因

名江陰縣志菠菜北人謂之赤根菜根類鼠尾又謂之鼠根菜常熟

縣志菠菜出西域種浙江通志

波稜又作波稜劉禹錫嘉話錄此本出西域頗稜國

有攜其子來訛頗為波閩中記以葉如波紋有稜豈

以義求之歟八閩通志

唐會要云太宗時尼波羅國獻波稜菜即此一名赤

根菜今俗呼為菠菜盛京通志

本草波稜一名菠菜一名波斯草一名赤根菜劉禹

錫嘉話錄曰波稜菜自西方僧將來本是頗陵國種

語訛為波稜耳李時珍曰莖柔脆中空根大如桔梗

赤色下氣調中止渴潤燥根尤良陽春縣志

波稜劉禹錫云出西域頗陵國頗謠為波土人呼為

菠菜丹徒縣志

機謹按鎮江府志謠作訛

劉禹錫嘉言錄本出西域頗陵國閩中記以為葉如

波紋有稜故名浦人以其根紅呼紅根菜漳浦縣志

波菱卽菠菜子似菱故名懷寧縣志

菠薐一名赤根江西新城縣志

冬春俱生不可與蛆魚同食老則根赤又曰赤根菜

亦曰青菜隨方而名也幾輔通志

波稜北戶錄曰婆羅國獻稜菜類紅藍實似蒺藜火

熟之能益食味漳州府志

劉禹錫曰菠薐本頗陵國之種西僧將子來者語訛

為菠薐耳方士隱名為波斯草俗呼紅根菜諸羅縣志

菠稜葉有稜而光澤○劉禹錫云出西域頗陵國頗

訛為波土人呼為菠菜種後必過月朔乃生能解酒

毒北人多食肉麵食此則平南人多食魚鼈水米食

此則冷不可多食金壇縣志

菠稜薺有三種一花白者一地上生者名香班花白

田生者名田班花黃進賢縣志

頗稜俗稱菠菜亦稱赤根亦稱甜菜根赤葉如箭鏃

皆甜美可食太平府志

波稜本作頗稜卽波斯草彥冲有詩頗能國種義烏縣志

蔬屬 菠薐 十二

菠菱味甘香子如菱故名安慶府志

菠菱西域傳貞觀十一年泥波羅遣使來獻中國因

有此種武寧縣志

菠性冷滑制丹石毒十二月種番禺縣志

頗稜俗稱菠菜劉禹錫嘉話錄昔頗稜國携其子來

因名之今從草曰菠稜失其義矣當塗縣志

菠菱劉禹錫嘉話錄菠出西國中有自彼將其子來

如苜蓿蒲萄由張騫而至也三山志

菠稜其子似稜故名佳話錄云來自頗稜國未可知

也味清甘勝他種本草云南人多食冷大小腸發腰

痛令人脚弱故俗不多種東陽縣志

波稜葉尖理細如波紋劉禹錫嘉話云出頗稜國有

僧携子而至俗訛為波稜按唐西域傳正觀十一年

泥波羅遣使入獻波稜菜非頗稜也台州府志

頗菱此菜出西域頗菱國頗訛為菠俗呼為赤根菜

臺灣府志

菠菱西域傳貞觀十一年泥波羅遣使獻菠菱菜中

國有此種久食令人脚弱南昌府志

菠薐生北方者為竹菠薐閩中者為石菠薐莖短而

甘武平縣志

菠薐葉尖理細如波紋故名仁和縣志

菠薐菜柔莖脆葉止渴潤燥根尤良解酒毒服丹石人

食之佳建昌縣志


菠薐菜一名赤根菜春冬皆可備食六合縣志

菠薐根赤葉如箭鏃味極甘美相傳其種來自波稜

國因名北人所謂赤根菜也姑蘇志

青菜即菠薐菜唐太宗時西方僧自頗稜國將來又

曰赤根菜新城縣志



石菠薐

蔬屬

石菠薐

一

蘇物類彙編卷三十九

石菠菘

菠菘生北方者為竹菠菘，莖長而夾，閩中者為石菠

菘，莖短而甘。閩書

機謹按汀州府誌同。

蘇物類彙編

卷三十九

蔬屬

石菠菘

二

庶物類纂卷之四十

庶物類纂蔬屬卷之四十目次

苘蒿

野同蒿

山薇

庶物類纂卷之四十

蔬屬目次

本草綱目卷之四十一

茼蒿

一名蓬蒿本目草 一名春菊花史 一名蒿菜花同上
一名蒿菊致富奇書 一名萋蒿汀州府志

俗名十有母結孤山城 又名而思母伊勢 又
名十母結孤州豫 又名鹵蕪長門 又名憂
蕪拉噎結孤備前州 又名母十母蕪上同 又

蕪物類纂卷四十一

蕪屬 茼蒿

名紫罵十國 加賀 又名煞紫罵結孤 紀伊 又
 名舍母結孤 筑前 又名國 蕪罵結孤 陸奥 又
 名那虛思罵 大和

苘蒿

苘蒿平生安心氣養脾胃消水飲又動風氣熏人心

令久氣滿不可多食 嘉祐補註本草

苘蒿處處有之人家園圃中多種苗高一二尺葉類

葫蘿蔔葉而肥大開黃花似菊花味辛性平救飢採

苗葉煤熟水浸淘淨油鹽調食不可多食動風氣熏

人心令久氣滿 明周憲王救荒本草

苘蒿八九月下種冬春采食肥莖花葉微似白蒿其

味辛甘作蒿氣四月起臺高二尺餘開深黃色花狀

如單辨菊花一花結子近百成毬如地菘及苦蕒子最易繁茂此菜自古已有孫思邈載在千金方菜類至宋嘉祐中始補入本草今人常食者而汪機乃不能識輒敢擅自修纂誠可笑嘍明李東璧本草綱目蓬蒿味甘平無毒主通利腸胃安心氣消水飲元普蘭溪

飲膳正要

苧蒿作畦下種亦如前法春三月種可為常食秋社前十日種可為秋菜如欲出種春菜食不盡者可為子俞宋本種蔬居家必備

苧蒿蓬蒿形氣同于蓬蒿故名王禎曰同蒿者葉綠而細莖稍白味甘脆○明徐光啓農政

全書

農桑通訣曰苧蒿春二月種可為常食秋社前十日種可為秋菜如欲出種春菜食不盡者可為子俱是畦種其葉又可湯泡以配茶茗實菜中之有異味者同上

苧蒿莖肥葉綠有刻缺微似白蒿甘脆滑膩四月起臺高二尺餘開花深黃色狀如單辨菊花一花結子近百易繁茂以佐日用最為佳品主安氣養脾胃消

水飲多食動風氣薰心令氣滿明王蓋臣郡芳譜

肥地治畦如種他菜法二月下種可為常食秋社前

十日種可為秋菜如欲存種留春菜收子同上

春菊蒿菜花是也三月末開花頭大及二寸金彩鮮

明不減于菊史花

蒿菊一名茼蒿八九月下子至春採食花如單瓣甘

菊深黃色一花結子迺百致富奇書

茼蒿平主安心氣養脾胃消水飲又動風氣熏人心

令人氣滿又邪蒿似青蒿而細軟味辛温平無毒主

胸膈中臭爛惡邪氣利腸胃通血脉續不足氣生食

微動風氣明王思義三才圖會續集

蒿有茼蒿蔓蒿二種茼蒿家園多種種蔓蒿生江阜

水澤中重倫鎮江府志

茼蒿葉似葶蒿味香美至春著黃花如菊江陰縣志

茼蒿葉似艾花似小菊性冷味香辛臺灣府志

茼蒿本草動氣薰人不可多食萊州府志

茼蒿形氣與蒿同新城縣志

茼蒿不可多食令人氣滿新城縣志

苧蒿氣似茵陳大能治熱房山縣志

苧蒿一名蓬蒿可熟食陽信縣志

苧蒿作蒿氣令人氣滿不可多食高要縣志

本草謂形氣同於蒿故名盛京通志

苧蒿一名蓬蒿形氣同蒿故名函史物性志苧蒿香

可茹秋後下種食至正月陽春縣志

苧蒿葉如艾花如小菊家園多種之安心氣消水飲

然動風氣薰人心不可多食丹徒縣志

機謹按鎮江府志同

苧蒿形氣似蓬蒿故名幾輔通志

苧蒿泉郡志曰葉如艾花如小菊性冷微香多食令

人氣滿漳州府志

苧蒿時珍云形氣同于蓬蒿故名一名董蒿葉似艾

蒼如小菊性冷微香多食令人氣滿諸羅縣志

苧蒿葉如艾花如小菊平氣消水飲然動風氣薰人

心不可多食金壇縣志

蒿青苳白蘩香者曰葶可蔬藥入此義烏縣志

苧蒿形氣似蒿故名或作藤蒿誤靈壽縣志

茼蒿一名萎蒿花如菊梗甚香脆汀州府志

機謹按萎蒿茼蒿確是二物也汀州府志云茼蒿一名萎蒿花如菊梗甚香脆此併二蒿以為一種誤也

茼蒿形味俱似蓬蒿故名芥出儀真者長數尺味獨佳揚州府志

茼蒿令人氣滿不可多食三山志

茼蒿形同乎蓬蒿故名六合縣志

茼蒿花黃葉如蒿初生可食九江府志

蒿二種萋蒿生洲渚邊黃庭堅詩曰萋蒿數劬玉簪

橫同蒿生野地近多種者俱味清而品潔焉當塗縣志

蒿一名同蒿又有萋蒿葉細而香台州府志

蒿有二種萋蒿生州渚同蒿生野地莖圓脆皆香美

可食太平府志

蓬蒿八九月下種入春取食辛甘懷寧縣志

繫本草蓬蒿也南昌府志

秋月下種冬春采食莖肥葉似白蒿其味辛甘作蒿氣四月起莖高二尺開花黃色如菊結子近百成綫

本草綱目卷之四十一

劉禹錫云多食動風薰人心今久氣滿不知何謂也
清何培元本草
綱目類纂必讀

蒿菊一名蒿蒿八九月下子冬春採食花如單瓣甘

菊深黃色一花結子迺百清周玉島
農圃全書

蒿徒紅切音同菜名一名蓬蒿形氣同蒿故名函史

物性志蒿蒿香可茹本草作同孫思邈載千金方菜


類宋嘉祐中始補入本草舊註云草名非清廖文英
正字通

野蒿蒿

蘇物類纂卷四十一

蒿屬 野蒿蒿

本草綱目卷之四十一



野同蒿

野同蒿生荒野中苗高二三尺莖紫赤色葉似白蒿
色微青黃又似初生松針而茸細味苦救飢採嫩苗
葉燂熟換水浸淘淨油鹽調食

明周憲王
救荒本草

蘇物類纂卷四十一

蔬屬 野同蒿

蕨類

薇

一名垂水爾雅一名迷蕨詩識

倍名舍セムマ母マ罵マ虚ヒ

蕨類集卷四十一

蕨屬

薇

本草綱目卷之四十一

薇

史記曰伯夷叔齊義不食周粟隱首陽山採薇而食

之太平御覽

廣志曰薇葉似萍可蒸食上同

薇生水傍葉如萍爾雅云薇垂水三秦記夷齊食之

三年顏色不變武王戒之乃不食而死然詩云采薇

者金櫻芽也宋鄭夾漆通志

格物總論薇蕨也根如紫草莖亦青紫色末如小兒

拳春二三月採山中人作茹食之合璧事類

無功類纂卷四十一 蔬屬 薇 二

薇味甘寒無毒久食不饑調中利大小腸生水傷葉
似萍爾雅曰薇垂也三秦記曰夷齊食之三年顏色
不異武王誡之不食而死廣志曰薇葉似萍可食利
人也陳藏器餘○宋唐
慎微證類本草
海藥云謹按廣州記云生海池澤中爾雅註云薇水
菜主利水道下浮腫潤大腸宋唐慎微
證類本草
案許慎說文云薇似藿乃菜之微者也王安石字說
云微賤所食因謂之薇故詩以采薇賦戍役孫炎註
爾雅云薇草生水傷面枝葉垂於水故名垂水也巢

菜見翹搖下薇生麥田中原澤亦有故詩云山有薇
薇非水草也卽今野豌豆蜀人謂之巢菜蔓生莖葉
氣味皆似豌豆其藿作蔬入羹皆宜詩云采薇采薇
薇亦柔止禮記云芼豕以薇皆此物也詩疏以爲迷
蕨鄭氏通志爲金櫻芽皆謬矣項氏云巢菜有大小
二種大者卽薇乃野豌豆之不實者小者卽蕪東坡
所謂元修菜也此說得之明李東璧
本草綱目
薇似藿乃菜之微者也又微賤所食因謂之薇故詩
以采薇賦戍役薇生水旁葉似萍蒸食利人夷齊食

本草綱目卷之四十一

之三年顏色不異武王誠之不食而死明李東壁食物本草

薇程大昌曰山中極多味苦以芼火肉最相諧宜其

苗春則盛發至秋老硬然不萎死雖雪中亦可采也

詩經世本古義

程大昌云詩之言及采薇者甚多即伯夷首陽之所

食也說文薇似藿藿豆也豆葉本圓而末尖皮微皺

澁薇葉正與之肖山中極多味苦以芼火肉最相諧

宜其苗春則盛發至秋老硬然不萎死雖雪中亦可

采也采薇之詩曰薇亦作止謂春而苗茁也又曰薇

亦柔止謂及夏而大脆也又曰薇亦剛止謂霜露降

而苗葉堅勁也或曰微者所食也故詩以采薇言戍

役之苦而草蟲序於蕨後喻未取之薄也按格物論

薇即蕨也根如紫草莖亦青紫色末如小兒拳二三

日采山中人作茹食之則又以薇薇為一種矣林孟鳴詩

經多識編

薇似蕨而差大有芒而味苦山間人食之謂之迷蕨

明胡文煥詩識

可茹可茹彼美有薇何以至此有水之湄伊誰採之

古也伯夷爾東屠李

爾雅曰薇垂水好生水邊故曰垂水似藿菜之微者

也故禮芼豕以薇記曰鉶何經切芼牛藿羊苦豕薇是

也詩曰采薇薇亦作止采薇薇亦柔止采

薇薇亦剛止作止未可食之時也柔止則可食

之時剛止則不可食矣采薇薇亦剛止曰歸曰

歸歲亦陽止然猶戍役焉未已則所以甚言其苦也

傳曰君子能盡人之情故人忘其死此之謂也詩曰

山有蕨薇隔有杞模君子作歌維以告哀蕨薇所以

祭也下國構禍怨亂並興則孝子有不得饗其親者

矣故詩所以告哀也孔子曰吾於四月見孝子之思

祭也其為是歟字說曰蔥疏關節達氣液忽也所謂

蔥珩其色如此蔥亦如此薇禮豕用焉然微者所食

故詩以采薇薇言戍役之苦而草蟲序於蕨後喻求取

之薄明牛哀埤雅廣要

薇似蕨而差大有芒而味苦山間人食之謂之迷蕨

格物論薇即蕨也三才圖會

機謹按薇山菜蕨類也春發芽拳曲長則展開葉

形如萍高六七尺花生葉背如海金沙輩花根形似黑狗脊喜生於澗谿上其葉垂於水嫩莖可作蔬茹味勝於蕨陸元恪謂薇莖葉皆似小豆蔓生項安世謂今之野豌豆俱非也又世人以薇爲狗脊入藥甚誤矣

夷齊食薇三年顏色不變武王戒之不食而死見三秦記說文薇似藿菜之微者也又名苦盆項氏曰今之野豌豆苗也蜀謂之巢菜爾雅薇垂水注草生於水濱而枝葉垂于水者曰薇詩註金莖芽也

明張鼎思瑋

代醉編

格物論曰薇卽蕨也生山間根如紫草莖青紫色未如小兒拳周秦曰蕨魯曰鼈初生時似鼈脚故名味甘寒

明陳仁錫潛確居類書

天中記薇生水傍葉如萍三秦記夷齊食之三年顏色不變武王戒之乃不食而死然詩云采薇者乃金莖芽也又名苦盆

項氏云今之野豌豆苗也蜀謂之巢菜○明陳希頤事言要亥集

薇菜卽今灰條菜也紅者佳白者謂之蛇灰有毒此野生不擇地可以備荒年

明馮應京月令廣義

蕨一種名薇亦蕨類本草約言

薇苗可食詩云言采其薇漳浦縣志

薇芽初生如兒拳可醃為蔬菜如鳳尾草鬻揚梅者

取以承筐蕪州府志

薇生水傍蒸食益人夷齊採食三年顏色不異武王

誠之不食而死安慶府志

薇野豌豆即小巢菜非迷蕨義烏縣志

薇即黃精苗初出芽其形似筆故名筆管萊蕪縣志

機謹按以薇為野豌豆為黃精苗者誤也

爾雅薇垂水注生于水邊蔬草生于水濱而枝葉垂

于水者曰薇說文薇似藿陸璣詩蔬薇山菜也

今宮園種之以供宗廟祭祀通志薇生水旁葉如

萍三秦記夷齊食薇三年顏色不異武王誠之不

食而死佩文齋廣群芳譜

薇無同切音惟菜名陸璣曰山菜莖葉似小豆蔓生

味如小豆藿可羹亦可生食儀禮公食大夫禮劔芼

豕以薇又爾雅薇衆水邢疏草生水濱枝葉衆于水

鄭註薇菜生水邊狀詩言山有薇薇陟山采薇則是

山菜與爾雅參水之薇分二種本草薇有二生原谷似柳葉者白薇也生水旁葉似萍者薇也據陸璣言莖葉如小豆蔓生復非似柳之白薇本草未可盡信又三秦記夷齊食薇三年顏色不變武王戒之不食而死此傳會史記伯夷傳形容之說耳程子曰夷齊不食周粟者不食周祿而已采薇餓死言菜食以沒世也據程說則三秦記亦非又月令廣義薇卽今灰條菜紅者佳白曰蛇灰有毒按灰條本作灰滌灰滌卽藜也老可以爲拄杖廣義因薇藜音近而譌尤非

廣志以薇葉似萍朱子胡致堂以薇爲迷陽鄭樵以薇爲金櫻芽陸佃合爾雅參水之薇與詩采薇之薇爲一非清廖文英正字通薇玉篇菜也說文似藿菜之微者也詩召南言采其薇儀禮公食大夫禮鉶芼牛藿羊若豕薇皆有滑康熙字

庶勿須集 卷四下 蔬屬 薇 八

廣外夷傳卷之四十一

Vertical text on the right edge of the right page, likely bleed-through from the reverse side.

